

Diuz Loh Hag Ywcuengh Danz Yungjigiz

□ Fanz Suhvei Veiz Yenbingz / 樊苏蔚 韦艳萍

Goj neix aeu daj 1942 nienz seizhah gangj……

1942 nienz ndwencaet cosam, Danz Yungjigiz youq Gvangjsih Sanglinz Yen aen ranz Bouxcuengh ndeu doekseng. Daxmeh de rox Ywcuengh, lij iq couh gaenlaeng daxmeh, rwz dingq da raen le de hix gyaез Ywcuengh. Aenvih de haengj hag Ywcuengh, lij iq couh riengz daxmeh hag Ywcuengh. 1963 nienz 7 nyied, Danz Yungjigiz daj swfhfan yozyau bizyez le, guekgya faenboiq de bae Sanglinz Yen Gyaуzyenz Cin Bwzging Siujyoz son saw. Bwzgingdongh couhdwg dieg boux lauxcangh Ywcuengh, canghciengx-ndang Veiz Vwnz youq haenx, gizde miz Bouxcuengh, Yauzcuz comzyouq, cungj rox gij go Ywcuengh gig lai. Ndaej bungz daengz Ywcuengh swfh-yenz baenzneix lai, de engqgya laemxsim bae hag Ywcuengh. De ngamq ma son saw, gyangngoenz son hajcib bet boux lwgnyez nienzgeij mbouj doxdoengz hag vwnzva cihsiz, gyanghaemh couh bae hwnjdangz son gyoengq vunzhung hag vwnzva cihsiz. Roengzdangz ndaejhoengq lij dauq-cawq coh boux vunzmbanj camhag gak cungj go Ywcuengh, mbouj geijlai nanz de couh riengz gyoengq vunz-

mbanj sugrox raixcaix, gyoengq vunzmbanj cungj gagnyienh soengq gij danyw Bouxcuengh, maedfueng coj-cienz hawj de, yienghneix hawj de doeklaeng byaij diuz loh Ywcuengh dwkroengz giekdaej maenhdwd.

1984 nienz, Danz Yungjigiz caeuq yah de daeuj daengz Yinhcwnz Yen Gujbungz Cin, youq Gujbungz Cunghyoz son saw. Caemh bi, Gujbungz Cunghyoz ok ngaenz hawj Danz Yungjigiz gyajgeiz bae Namzningz Sihgyangh Cizyez Gisuz Yozyau hagsib Cunghyih. Bilaeng daengx gih miz binghra q ganjmau, Danz Yungjigiz baengh gij caizhag caeuq gingniemh bonjfaenh, bae mbaet aeu mbaw makmoed, mbaw faexnganqciq, mbaw byaekmen daeuj cienq baenz raemxyw hawj lauxsae caeuq hagseng daengx hagdangz gwn, ndigah bide Gujbungz Cunghyoz mbouj miz saek boux deng lah bingh, ndaej yen veiswnghgiz caeuq camh fuengzbinghlah haenh. Yaucangj hix yaengx lwgfwngzmeh haenh de! Danz Yungjigiz mbat daeuz roxnyinh hag Ywcuengh baenzneix miznaj, vihneix engqgya dingjmaenh de byaij gij loh Ywcuengh.

1984 nienz 6 nyied 28 hauh, Danz Yungjigiz gyahaeuj Cunghgoz

Gungcanjdangj, baenz boux gungcanjdangjyenz ndeu. Danz Yungjigiz mboujdan son saw, lij dingj hag, yenzgiu saw Ywcuengh, vih ca mbouj lai sei q fanh boux vunz miz bingh siu bingh siu nanh. Doengzseiz Danz Yungjigiz swhgeij hix genjcaz ok baenz binghlwedhau, bae Gvangjsih Cunghyih Yozyen, Gveilinz Yihyoz Yen hezyezgoh yw cungj mbouj ndei, de couh mboujguenj canghyw hah gag okyen dauqma Gujbungz Cin, gaengawq doekgonq geiq ndaej gij geiqloeg gag yw. Yw ndaej song bi le binghcingz lai ndei, de couh cinggouz dauqma Gujbungz Cunghyoz son saw, itcig daengz 1994 nienz 10 nyied doiqyouh. Doiqyouh le de couh engq ndaejhoengq bae hag Ywcuengh. 1996 nienz de caeuq bouxwnq caez banh aen ban canghyw Gvangjsih Denda Yizcough Fwnhyau, de lij caenndang bae son gij go 《Cunghyih Lijlun》《Bouxvunz Cingqciengz Gaijbouhyoz》daengj. Doeklaeng hagdangz dingz guh, gyoengq hagseng aen ban canghyw cungj cienj daengz hagdangz wnq bae, doeklaeng miz haujai hagseng guh canghyw lajmbanj, canghyw yihyen, lij mizmbangj guh bouxdaeuz yihyen dem. Cibgeij bi gvaqbae lo, bihaenx gyoengq hagseng

de lij ciengzseiz dauqma yawj de, caeuq de lwnh Ywcuengh.

Vihliux Ywcuengh ndaej cienz-swnj engq ndei, Danz Yungjigiz fatbiuj 《Ywcuengh Gwnzbiengz Ndaej Yw Bingh Mbouj Miz Lwg》《Ywcuengh Gwnzbiengz Yw Ndei Song Boux “Yiengh Cunghab Ndag Gyaengj Bingheingsaenz”》《Ywcuengh Gova-bungz Ndaej Yw Diuzgyoek Foeg》daengj lai bien lunvwnz, haujai yenzgiu cwnzggoj caeuq ngeihcib lai bien lunvwnz yihyoz ndaej guekgya, swcigih gak gaep mizgven bouhmonz dajciengj. Danz Yungjigiz youq 1999 nienz ndaej Gvangjsih Bouxcuengh Swcigih bingz baenz “boux canghyw maenhndei lajbiengz”, caemhcai q de lij ndaej iucingj bae daengz Dwzgoz, Bahsih daengj guekgya guh gyauhliuz gvendaengz yihyoz.

Banneix Danz Yungjigiz gaenq geq lo, hoeng gij sim aeu Ywcuengh fugsah gyoengqvunz cungj mbouj bienq. De lij buekguh youq gij cansen yihyoz, lij caenndang bae son vunz ndaem moux lai Ywcuengh, bangcoh vunzlaeng hag Ywcuengh. Ciuhvunz de ceiq siengjmuengh Ywcuengh ndaej mboujduenh goeghung, seiqseiq daihdaih vih gyoengqvunz yw bingh gouq mingh.

Daengngoenz Baihdoeng Mbouj Rox Doek

——Cimh Riz Bak Bi Cunguek Gungcanjdangj

□ Cingh Swmungz / 清似蒙

2. Laeb “Vunzgviq” Guh Daeuz

Hungzginh nyuenz giva,
Gvaq baihsae Huznanz,
Gozginh senq bajgvan,
Cang hongx caj mwngz haеuj.

Bwn gaeq mbin byaifeiz,
Byawz ngeiz mbouj coemh remj,
Hungzginh bungz yungyiemj,
Wnggai senj baihlawz.

Mauz Cwzdungh daraeh,
Liuhsaeh cinj gvaq vunz,

Rox Sienghsih cang gumz,
Naeuz vunz gaej luenh byaij.

Gaej hai da gwn vi,
Mou biz soengq bak guk,
Mbouj cai q guh saehhuk,
Swiq uk hag guh gvai.

Gaej hawj duzuguk haeb,
Bae ra moeb duznyaen,
Song liengx bungz cien gaen,
Baenzbaenz veq deuz ndoj.

Baihna j hoenx bing laengz,
Baihlaeng deuz giengzdig(强敌),
Fanjdunghbai cawjlig,
Raeuz mbouj nyig byairumz.

Moeb gvaq Dahvuhgyangh,
Ciengj ndaej cawjdoenghgiengz,
Hwnj Yinz-Gvei gauhyenz,
Saenzsien laengz mbouj youq.

Mauz Cwzdungh ukgvai,
Vunzlai gyo bouxgviq,
Hai hoih youq Cunhyi,

Laeb “vunzgviq” guh daeuz.

3. Cing Ndaeng Vunzdig Cueng

Byaleix saet roengz raemx,
Byalae ndaem namhboengz,
Duzroeg mbin haеuj ndoeng,
Noucoengz raih hwnj faex.

Hungzginh haеuj diegbya,
Gizgiz nya' nyatnyat,
Dajyouzgiz baenz ak,
Dwk mbatmbat ndaej hingz.